

গোলকধাঁদা ।

প্রহসন ।



না বলতে পাবে ধোকাষ পড়ে
শেষকালে সাব হ'লো বাদা ।
'এক এক পাকে আঠাবোবাবে
দেখিয়ে দিলে গোলকধাঁদা ।

শ্রীকালীকৃষ্ণ চক্রবর্তী

প্রণীত ।

বাণেশ ট স্ট্রীট ১নং দাম্পত্যণী পুস্তকালয় ৩৩ ৩ ।
শ্রীগণেশচন্দ্র ঘোষ কর্তৃক প্রকাশিত ।

দ্বিতীয় সংস্করণ ।

কলিকাতা, — ৯৭ নং চুর্গ চব্বণ মিট্রোপ স্ট্রীট,
শ্রীদেবেন্দ্রনাথ সরকার এণ্ড কোং'ন

নূতন বিজ্ঞানযন্ত্রে

শ্রীশ্রীমাচরণ বসুদ্বাৰা মুদ্রিত ।

Handwritten text inside a rectangular box, possibly a stamp or label, containing the following information:

- Top line: $\frac{20}{20}$ - 500
- Second line: $\frac{20}{20}$ 20 7.56
- Third line: $\frac{20}{20}$ 20 2000

বিজ্ঞাপন।

এই বিজ্ঞাপন দ্বারা সর্ব সাধারণকে অবগত করা
গাইতেছে যে, মংপ্রণীত “গোলকধাঁদা” গ্রন্থসনের ১৪
শ্রীমুক্ত গণেশচন্দ্র ঘোষকে বিক্রয় করিলাম, উক্ত ব্যক্তির
অনুমতি ব্যতীত কেহ মুদ্রাঙ্কিত করিতে কিম্বা বিক্রয়
করিতে পারিবেন না, যদি কেহ উক্ত ব্যক্তির অনুমতি
ব্যতীত মুদ্রাঙ্কিত করিয়া বিক্রয় করেন, তাহা হইলে শ্রীমুক্ত
গণেশচন্দ্র ঘোষ তাঁহার নামে আদালতে অভিযোগ করিতে
পারিবেন। “গোলকধাঁদা” গ্রন্থসনে আমার নামের নাম
স্বত্ব রহিল, লভ্যের স্বত্ব কিছুই রহিল না।

সন ১২৯১ মাল ৭ই আশ্বিন।

শ্রীকালীকৃষ্ণ চক্রবর্তী

সাং খড়দহ।

প্রহসনোক্ত ব্যক্তিগণ ।

পুরুষ ।

কৃষ্ণকান্ত চৌধুরী

শিব পাগলা

দেওয়ানজী

রামকুমার বাদ

হরিহর তাঁতি

নিশ্চিন্তপুরের জমীদার ।

বিনোদবালার স্বামী ছদ্মবেশী নগেন্দ্রনাথ

চট্টোপাধ্যায় ।

কৃষ্ণকান্ত বাবুর দেওয়ান ।

” ” মোসাহেব

ঐ গ্রামস্থ হঠক কাপড় বিক্রেতা ।

স্ত্রী ।

বিনোদবালা

লক্ষী বি

নগেন্দ্রনাথের স্ত্রী ।

দাসী

গোলকধাঁদা ।

প্রহসন ।

প্রথম অঙ্ককার ।

প্রথম ধাঁদা ।

—

কৃষ্ণকান্ত বে কৃষ্ণকান্ত চৌধুরীর বৈঠকখানা ।

‘তুমি তোমার চেয়ে দিয়া কৃষ্ণকান্ত বাবু আমান, পার্থক্য দেও ।’

একজন মৌসাহেব, সম্মুখে পাগলা শিবে ।

শিবে । — না বুঝে গেবে মৌকান পড়ে

শেষকালে সব হবে কাঁদা ।

এক এক পাকে অঠাবো বাক

দেখিয়ে দেবে গোলকধাঁদা ॥

কৃষ্ণকান্ত । বলিস্ কি পাগল ? অর্থলোভে কেজ ১৭

হবে ১ টাকার লোভ দেখিয়ে অসাম্য দান কর হন ।

মাসাহেব । আচ্ছ, তাওতো বটে :— ৩ ৭ ৭ ৭ ৭ ৭

দান কথা ?

গোলকধাঁদা ।

দেওয়ান । আমিও তো তাই বলি ;—বিশেষতঃ ছদ্ম
নামে কলে কি না কর্তে পারেন ?

শিব ।—• ফুড়িং মারেন মেরে লাঠি ।
সাপ দেখলেই দাঁতকপাটী ॥

কৃষ্ণকান্ত । জাত সাপ ময় ঔষধে বশ হয় ।

শিব ।— হেলা চোঁড়া বশ হয় ।
কেউটে গোখুরো কভু নয় ॥
ঝাড়াই ঝাড়াই ওষুদ পালি ।
বেড়াই কামড়ের বেলা ॥
কামড়ালে পর কেউটে সাপ ॥

ভয়ে পালায় বোলে বাপ ॥

আহাশ্বক যদি পায় ।

ওঝা বৈদ্য ঠকিয়ে খায় ॥

আসল কথা বলছে শিব ।

দাবানল কি ফুঁয়ে নিবে ?

কৃষ্ণকান্ত । তবে কি হবে না ?

শিব ।— কখন তা ভুলবে না কো ।

বুখা চেপ্টা করে থাকে ॥

মোসাহেব । পাগলের কথা কে শোনে ?

দেওয়ান । পাগলা তো বোঝে সব ।

শিব ।— ঠেকে দেখবে গোলকধাঁদা ।

মোঁকায় পড়ে হবে গাধা ॥

কৃষ্ণকান্ত । কত শত জীলোককে দেখেছি; আগে

গোলকধাঁদা

সতীত্ব জানিয়ে শেষে টাকার লোভ ছাড়তে পারে না।

শিবে।— টাকার লোভে সতী ভুলে।

এ কথা শুনি না মূলে ॥

বাধার পড়ে সতী নাম।

মনে মনে খুঁজেন শ্রাম ॥

যদি পান সময় স্থান ॥

ডেকে উঠে প্রেমের বাণ ॥

সতীত্ব যায় তোড়ে ভেসে।

তারাই সতী মরি হেসে ॥

দেওয়ান। তবে যথার্থ সতী কারা ?

শিবে।— পতিই সর্বস্ব জানে।

চায়নাকো পরপুরুষ পানে ॥

সতীত্ব সতীরা রাখে।

কখন পড়লে বিপাকে ॥

জল আঙুণে প্রবেশ করে।

বুকে ছুরি মেরে মরে ॥

কৃষ্ণকান্ত। এও কি সেই রকম ?

শিবে।— চুকে একবার দেখ ধাঁদায়।

পাকে পাকে কত ঘোরায় ॥

যেমন রাজা মন্ত্রী তেমন।

মিনের ভেতর প্যাঁচয়া এমন ?

এঁরাই দেশের জমীদার।

প্রজার জাত বাঁচান ভার।

ଗୋଲକଧାଁଦା ।

ପାଗ୍‌ଲା ମିଛେ ମରିସ୍ ବକେ ।

ଘରେ ଥେକେ ଗେଛିସ୍ ଠକେ ॥

ଲୋକାଲରେ ମିଛେ କାଁଦା ।

କେବଳ ଦେଖିବି ଗୋଲକ—ଧାଁଦା ॥

କୃଷକାନ୍ତ । (ମକ୍ରୋପେ) ଦେଖ୍ ପାଗ୍‌ଲା ! ଗୁଣ ମାନିଲେ
କଥା କୋମ୍, ତୋକେ ଯତ୍ କିଛି ବାଲିନେ ତତହି ବେଢ଼େଛିମ୍ ।

ମିନେ ।— ଧମକ ଧମକ ମିଛେ ଦିମ୍ ।

ଭୟ ଆମାର କି ଦେଖାମ୍‌ ଈମ୍ ?

ପାଗ୍‌ଲା ଶିବେର କାଟ୍‌ବେ ଗଲା ?

ଏହି ଦେଖାଲେମ ଟାଟିମକଳା ॥

(ଚୈ ମୋହ ।)

ଦେ ଓରାନ । ପାଗ୍‌ଲା ପାଲାନୋ—ପାଲାନୋ ।

କୃଷକାନ୍ତ । ଧର ଧର, ପାଲାନୋ ଦିଓ ନା ।

ମୋମାହେବ । (ଶୀଘ୍ର ଉଠିଯା) ଏହି ବେଟାକେ ଧରେ ଆନି !

(ଦ୍ରୁତପଦେ ପ୍ରହାନ)

ନେପଥ୍ୟ ।— ଏখন ବସେ ଇକୁମ ଦେ ।

ପାଗ୍‌ଲା କଳା ଦେମିରେଛେ ।

(ମୋମାହେବେର ପୁନଃପ୍ରବେଶ ।)

ମୋମାହେବ । ଛଜୁର ! ପାଗ୍‌ଲା ବେନ ପାଖିର ଯତ୍ ଉଠୁ
ଗେଲ, ଆର ଦେଖ୍‌ତେ ପେଲେମ ନା ।

କୃଷକାନ୍ତ । ସେତେ ଦାଓ, ତୁମି ବସୋ, ଏକ୍‌ଟା ପାଗ୍‌ଲା
କରି ।

গোলকধাড়া

৫

মোসাহেব। যে আঞ্জা (উপবেশন)

রুফকান্ত। দেখ, পাগ্‌লা যত গুমোর কলে, তার গুমোর ভাংতেই হবে। বল কি, একটা ছুঁড়িকে ভোলাতে পার্কোনা। কি বল দেওয়ান্‌জি ?

দেওয়ান। আঞ্জা এমি যোগাড় কচ্চি, কাল রাতেই আপনি তার বাড়ী যেতে পার্কেন। ছুঁড়ীটে এখন বাড়ীতে একলা থাকে, কেবল একটা চাকরানী তার কাছে থাকে, সে বেটীকে দু টাকা দিলেই বশ।

মোসাহেব। তা বৈকি, টাকার কিনা হয়, আমি এখন সেই জোগাড়ে চল্লম। (উঠিতে উদাত)

রুফকান্ত। ওহে ! এই গোটাকত টাকা নিয়ে যাও, যদি কিছু ঘুষঘাষ দিতে হয়—দিও।

মোসাহেব। যে আঞ্জা।

রুফকান্ত। (বাস্তব খুলিয়া মোসাহেবের হস্তে নোট দান) এই নাও।

মোসাহেব। দিন। (নোট লইয়া প্রস্থান)

রুফকান্ত। দেওয়ান্‌জি ! তুমিও তবে যোগাড়ে গেল, যা হতে না হয় ; এখন বেলা হয়েছে স্নান করা যাক্‌গ।

দেওয়ান। যে আঞ্জা।

সকলের প্রস্থান।

ইতি প্রথম অঙ্ককারের ধাড়া।

দ্বিতীয় ধাঁদা ।

(পল্লিগ্রামের প্রকাশ্য পথ, দুই পার্শ্বে বাউগাছ,
অতীরে নগেন্দ্রনাথ চট্টোপাধ্যায়ের বাটী,
নাচিতে গাইতে পাগলা শিবের
প্রবেশ ।)

শিবে ।— বাউলের সুরে ।

সাপ করে কি পাগল হই ।

যত সহজ লোকের কার্যদা দেখে
জবুস্ববু হয়ে রই ॥

(বাইরে) ধর্মচাপা, কেটে ছাপা

নালা জপ্চে যত ঐ ;—

(ভিতরে) গোলক ধাঁদা, বাহির শাদা

ধর্মের দফায় চেরা সই ।

কেটে খায়তন্ত্র তর্ক মন্ত্র

বিচারে কন আগি কৈ ;

(বেড়ায়) দিরে ফাকি পেতে চাকি,

খাওয়ায় কেবল টকো দৈ ।

(ওরা) করে আবার কাজির বিচার

দেহ মন আমি নই ;—

(তবে) ভোগ্ লালসা সংসার ভাঙ্গা

তোদের এখন গেছে কৈ ।

গোলকধাঁদা ।

বাবা ! চিন্তে পারা দায়, ধাঁদায় পড়ে আঁধার দেখ্‌চি ।
ভারতময় যুরে বেড়াচ্ছি, ধর্ম্মে, বিদ্যায়, একতায়, স্বাধীনতায়,
বাগিজো, শিল্পে, সামাজিকে যে দিকে চাই সেই দিকেই
গোলকধাঁদা । কেবল হিংসা, চাতুরি, অভিমান, স্বার্থপরতা,
ভোগী, যোগীতেই ঘুরপাক খাওয়ায় । প্রথমে ভাবলেন ভা-
রতে ধর্ম্মের আদর বেশী, সেই পথেই একবার বেড়িয়ে দেখি ।
পবিত্র তীর্থ কাশীতে একদিন যত্নপতির কাছে গেলেম,
যত্নপতির হাতে গলায় রুদ্রাক্ষের মালা, ভাবিলেন মহাদেউ
হবেন । তাঁর নামে অনেকের মুখে লাল পড়ে, সেখানে
অনেক বুদ্ধলোকের মুখে শুনি যে যত্নপতি একজন প্রধান
আমিষ অর্থাৎ আমি কে চিনেছেন । আমিও সেই জন-
রবে গোলকধাঁদায় পড়ে হাঁদার মত আমিকে খুঁজতে
গিয়ে ঘুরপাক ধরে বেড়াই । শেষে খুঁজতে খুঁজতে
দেখি কিনা আমি একটা ঘোর ভোগবিলাসী, বিশ্ববন্ধক,
গলাকাটা, সংসারের গুটিপোকা । তাই দেখেই না আমি
কে চিনেই ভেঁা দৌড়—শেষে রাস্তায় এসে পাগলামী করে
বাঁচি ; ভাবলেন বাবা ! অমন আমি চাইনে, তুনি ভাল ;
শেষকালে আমি চিনে কি একটা পৃথিবীর খণ্ডপ্রলয়
করোঁ ! তার ছদিন চারদিন দায়, শুন্ত শুন্তে শুনি কি
না, আর এক আমিষ আছে, তাঁর নাম বিশ্বনাথ । আবার
প্রাণ হামাগুড়িদে উঠলো, মনে করলেন একবার দেখেই
আমি না কেন, আমি কে ? কাছে গিয়ে দেখি, দাড়িতে
হাঁটতে লাগান ত্রিকোলে এক বৃদ্ধ বনে আমিষ । প্রথম

ভক্তি শ্রদ্ধা হলো, হবেও বা, দেখা হতেই তিনি অনেক
 বল করে বসালেন । এমন সময়ে এ কথায় ও কথায় আমি-
 কের কথায় খোঁচা উঠতে বিচার এসে হাজির, শেষে হাত
 আমি নই,—পাঃ আমি নই, দেহ আমি নই, ক্রমে স্ত্রীতত্ত্ব,
 কামিনীতত্ত্ব, জ্ঞানতত্ত্ব, কত তত্ত্ব উঠলো । পরে মনোময়—
 কোষ, অন্তর—কোষ, জ্ঞানময়—কোষ, তারপর বিশ্বনাথ
 খুঁড়ো প্রশ্রাব কতে উঠে মধুকোষ দেখিয়ে বায়ুদোষ আরম্ভ
 করলেন । ভাবলেন সর্বনাশ ! খুঁড়োর অপানদেশ দিয়েই
 বুঝি আমার জড় বেরুচ্ছে । আর চুপকরে থাকতে পারেন
 না, বললেন খুঁড়ো ভাল করে কাছা এঁটে আমিকে ধরে
 রাখ, যেন আমার জড়শুদ্ধ না বেরিয়ে পড়ে । যেই বলা
 খুঁড়ো আর কোথায় ? তখন তেলে বেগুনে জলে উঠ
 বিচারে আমি কে “সোহং” ছেড়ে “কস্তং” বেল্লিক
 বলে গালাগালির পুষ্প বৃষ্টি আরম্ভ হলো । সেই ক্রোধের
 সময় কাশিতে আমি, হাঁচিতে আমি, কথায় আমি, অপান
 বায়ুতে আমি, অজস্র বেরুতে লাগলো । ভাবলেন কি
 বিপদ ! একেবারে আমার ভাঙারে খোঁচা দিয়েতো ভালকর্ম
 করিনে, খুঁড়ো যে আমাকে আমিতে ভরিয়ে দিলে দেক্‌চি !
 আবার বললেন খুঁড়ো থাম, নব্বার বন্ধ কর, নতুবা সব আমি
 বেরিয়ে যায় । এ কথায় খুঁড়ো ভয়ানক রেগে আমিকের
 বেগ আর সম্বরণ কর্তে না পেরে কাছার কাপড়ে আমিকের
 জড় বার করে ফেলেন ? তাই দেখেই আমি সেখান থেকে
 ভেঁ দৌড়ে রাস্তায় এসে গান ধরলেন ;—

গোলকধাঁদা ।

১১

চিন্তে গিয়ে অহংকার ?

যত ভণ্ড বলে অহং সোহহং

কোহহং তব্ব নাইকো আর ॥

যত সব, ভক্ত বিটেল বিষম খটেল

কেবল বলে সার বিচার ;—

পড়ে গোলক ধাঁদায় মায়ার বাধায়

বেরিয়ে পড়ে অহংকার !

(আমায়) যত খলে পাগল বলে

এর চেয়ে কি অবিচার ;—

তার। জানে না যে পাগলভাবে

আমি কেটা তুমি সার ।

দেখ বারি হতে উঠে বিশ্ব,

বিশ্ব আমি ভ্রম সবার ;—

(ক্রমে) বারিতে মিশাবে বিশ্ব,

বারিই তুমি মূলধার ॥

তার পরে যেখানেই যাই, সেইখানেই গোলকধাঁদা।
দণ্ডী, ব্রহ্মচারী, সন্ন্যাসী, মগ্ধস্ত, যা দেখি সকলই ধোঁকা,
জিলিপির পাক। তখন ভাব্লেম দূর হোক সংসারীদের
কাছে থাকিগে, শেষে তাদের কাছে এসে অবাঙ্, একে
বারে পাপের স্রোত বয়ে যাচ্ছে, সর্বনাশের শীতল বৃষ্টি
হচ্ছে, এখনও যে সৃষ্টি প্রণয় হয় না কেন, তাই ভাবছি ;—

(চিন্তা)

গোলকধাঁদা ।

(কাপড়ের মোট মাথায় হরিহর
 তাঁতির প্রবেশ ।)

হরিহর । চাই শাড়ি কাপোড় ;—

শিবে । এই তাঁতি বেটা আস্চে, গাছের আড়ালে লুকিয়ে
 গেকে এরও ভাব দেখা যাক । (বৃক্ষান্তরালে অবস্থিতি ।)

হরিহর । চাই শাড়ী কাপোড় ;—(স্বগতঃ) এত
 চেষ্টা কচ্চি হাত লাগ্চে না, বাঃ—ছুঁড়ীটের কি চেহারী !—
 আমারতো মুণ্ড ঘুরে গ্যাছে, চেষ্টা কর্তে ছাড়্বে না, দেখি
 হাত লাগে কি না । (উচ্চঃস্বরে চাই শাড়ী কাপোড় ।)—

শিবে । (স্বগতঃ) এবোটোরও যে দেখি পতিব্রতার
 ধর্ম্মনষ্ট কর্তে ইচ্ছে, দেখি, কঙ্কুরের জল কঙ্কুরে মরে ।

হরিহর । (নগেন্দ্র বাবুর দ্বারের নিকটে গিয়া) চাই
 শাড়ী কাপোড়, মা ঠাকরুণ ! কাপড় নেবেন গা !

(সহসা দ্বার উদ্বাটন করিয়া বিনোদবালার প্রবেশ)

বিনোদ । হরি হরি ! কেমন কাপড় তোমার দেখি বাপু ।

হরিহর । (সাহ্লাদে) এই দেখুন না মাঠাকরুণ (কাপ-
 ড়ের বস্তা খুলিয়া দেখাওন ।)

বিনোদ । (একঘোড়া কাপড় মনোনীত করিয়া)

হরিহর ! এ ঘোড়ার দাম কত ?

হরিহর । আঙ্কে নিন্ না, আপনার সঙ্গে আর দরদস্তুর
 কি ? য ঘোড়া ইচ্ছে ত ঘোড়া নিন, দামের জগ্গে ভাববেন না
 যবে হয় তবে দেবেন ।

বিনোদ । (স্বগতঃ) ওঃ এবোটোর মনে কি গরক !

• আমি একলা স্ত্রীলোক বাড়ী থাকি বলে সকলেই আমার সতীত্ব নষ্ট করবার চেষ্টা কচ্ছে। জমিদার, দেওয়ান, মোসা-হেব, রামকুমার পর্য্যন্ত আমাকে বিরক্ত কচ্ছে। আমি ত প্রাণ থাকতে সতীত্ব নষ্ট করবো না, এতে ধর্ম আমার অবশ্য রক্ষা করবেন। (দীর্ঘনিশ্বাস ত্যাগ পূর্ব্বক) ওঃ তিনি নিউদ্দেশ্য, আমার যে এখন কি দশা তা জানেন না। নাথ! আমায় কি অপরাধে পরিত্যাগ করে গেলেন, এত দিন প্রাণত্যাগ কতেন, কেবল আশায় বেঁচে আছি। ধন্য শিবু পাগল! সে আজ আমার যে পরামশ দিয়েছে, তাতে আজ সকলেই গোলকধাঁদা দেখবে। রামকুমারকে আস্তে বলেছি দণ্ড দুই রাতে, দেওয়ানকে বলেছি এক প্রহরের সময়, জমিদারকে বলেছি দুই প্রহরের সময়, এখন বুদ্ধি খাটিয়ে এ বেটাকে সন্ধ্যার সময় আস্তে বলি।

হরিহর। মাঠাকুরুণ কি ভাবছেন?

বিনোদ। ভাবিচি হরিহর! তোমার মনের ভাব কি বুঝতে পাচ্চিনে।

হরিহর। (খতমত খাইয়া) আজে না, মনের ভাব এমন কিছুই নয়, তবে কি—পায়ে রাখলেই হয়।

বিনোদ। দেখ হরিহর! ছুমি অম্পৃশ্য জাত, তোম'র দেহ পবিত্র না হলে ত স্পর্শ করতে পারিনে। যদি আমার ঘরে আস্তে চাও, তবে এক কর্ম কর, আজ মাথা মূড়িরে হবিশ্য করে থেকে, কাল উপবাস করে সন্ধ্যার সময়ে আমার ঘরে এসো।

হরিহর । (মাফ্লাদে) আজ্ঞে তা তা যা আজ্ঞা করেন
এখনই করিগে, মাথা মুড়িয়ে আজ হবিশি কর্ক, কাল উপ-
বাস করে দেক্ষ্যার সময় আস্বো । আজ্ঞা করেছেন ভাল, দেব-
তার সহবাস । তা এখন যে কষোড়া কাপড়ের দরকার নিন ।

বিনোদ । আর দরকার নাই, এই যোড়াই নিলেম ।

হরিহর । যে আজ্ঞা । (কাপড়ের বস্তা বান্ধিয়া) যখন
যা দরকার হবে, বস্তাই চাকর এনে হাজির কর্বে । এখন
তবে আসি—

বিনোদ । এসো, মনে ঘেন থাকে ।

হরিহর । আজ্ঞে, না মলে তো ভুলবো না ।

(হরিহরের প্রশ্নান ।)

(দ্বারবন্ধ করিয়া বিনোদবারা প্রশ্নান ।)

শিবে ।— (গাছের আড়াল হইতে বাহির হইয়া)

নিউদেশে আছে পতি ।

সতীত্ব তোর দেখবে সতী ॥

মনে কর দূরে আছে ।

ছায়ার মত ঘুরচে কাছে ॥

খাঁটি হলে পরীক্ষায় ।

পতি পাবে পুনরায় ॥

শক্ত ধর্মের আল বাঁধা ।

প্রথম দেখ গোলকধাঁদা ॥ (প্রশ্নান ।)

ইতি প্রথম অঙ্ককার ।

সমবেত বাদ্য ।

যবনিকা পতন ।

দ্বিতীয় অঙ্ককার

প্রথম ধাঁদা ।

∴ (বিনোদবালার গৃহ ।)

(বিনোদবালার আসীনা ।)

বিনোদ । (স্বগতঃ) আমিত চারজনকেই আমতে
বলেছি, কিন্তু এখন আমার ভয় হচ্ছে, আমি স্ত্রীলোক
তাদের জ্ঞান করবো কি করে ? এই সময় একবার শিবুগাগল
আমতে ভাল হতো, তা হলে জ্ঞান করবার উপায়টা জেনে
নিতেম, কারণ সেই আমাকে তাদের ঘরে এনে জ্ঞান কর্তে
বলেছে । (ক্ষণেক পরে দীর্ঘনিশ্বাস ত্যাগ পূর্বক) উঃ !—
আমার মন কেন এমন হলো ? আমার তো এমন কুপথে
কখন মন যায় না, তবে পাগলের দিকেই মন টান্চে কেন ?
ঠিক সেই মুখ সেই চোক, তবে সেই কি ? না—না ভয় !
এ অদৃষ্টে কি তেমন সুখমিলন ঘটবে ? চারবছর মাত্র
পতি কাছে ছিলেম, দশবছরে বিয়ে হলো, দুই বছর তো
পতি কেমন জান্তেমি না, কেবল দু বছর পতি চিনে
ছিলেম । উঃ—তার পর না জানি কি দোষে আমাকে
পরিত্যাগ করে গেলেন । আমিত জানে তার কাছে কোন
দোষ করিনে, তবে পরিত্যাগ করলেন কেন ? দু বৎসর নিউ-

দেশ হয়েছেন ; তার বছর খানেক পরে শিবপাগলা এসেছে। পাগলাকে দেখেই—না আর মুখে আন্বে না, মনে পাগলকরনা, সতীত্বে কলঙ্ক ! স্বামী ভিন্ন ভ্রমেওতো অগ্রপুরুষকে চিন্তা করিনে, তবে কেউ আমার মন এমন হলো ?—(চিন্তা)

(শিবু পাগলের প্রবেশ)

শিবু। বিনোদ ! বসে কি কচ্চ ?

বিনোদ। (সচকিতে দৃষ্টি) এসো এসো, ভাবটি কি, তারা এলে জব্ব কর্ব কি করে ? সে কথাত তুমি আমাকে বলে দাওনি ?

শিবু। (বিনোদের কাণে কাণে)

বিনোদ। তুমি থাকবে না ?

শিবু। না।

বিনোদ। আদার বড় ভয় হচ্ছে, আমি স্ত্রীলোক, চারজনের সম্মুখে কেমন করে কথা কব ?

শিবু। একটু সাহস কর, এ রকম না করে ওরা সর্বদাই বিরক্ত করবে ; এমন কি তোমার উপর অত্যাচার কর্তেও ছাড়বে না।

বিনোদ। আচ্ছা আমি সাহস করব, কিন্তু তুমি লুকিয়ে থাকলে আরও ভয় হবে। কি জানি যদি কোন রকম ব্যাবাহার ঘটে ; তা হলে তুমি রক্ষা কর্তে পারবে।

শিবু । না, কোন মতেই থাকতে পার্কে না, এখন তোমর যা বিবেচনার হয় কর ।

বিনোদ । আচ্ছা যাও যাও, দেখবে আমি পতিব্রতা ধর্ম রক্ষা কর্বই কর্ব । এই এখন অবধি আমি একখানি তীক্ষ্ণ ধারাল ছুরী হাতে করে রাখি, জব্দ কর্তে না পারি, শেষে আত্মহত্যা করে সতীত্ব রক্ষা কর্ব, তারা কখনই আমাকে স্পর্শ কর্তে পার্কে না ।

শিবু । সতীর তো প্রতিজ্ঞাই এই । (স্বগতঃ) আর না পরীক্ষার শেষ সীমা হয়েছে ?—বিনোদ !—জন্মের মত বাধলে ।

(প্রস্থান ।)

বিনোদ । গেলে ? গেলে ? ওঃ—আমার মন যে ক্রমেই উতলা হয়ে উঠলো । পাগল কে ? নিশ্চয়ই বোধ হচ্ছে সেই । সেই মুখ, সেই চোক, সেই গলার স্বর ; তবে কি বিধাতা সুদিন দিলেন, তাই বোধ হচ্ছে, নতুবা আমার মন তো কখন বিচলিত হয়নি, তবে পাগলকে দেখে হলো কেন ? বোধ হচ্ছে পাগল প্রকৃত পাগল নয়, ছদ্মবেশী পাগলিনীর পাগল !—(সজল নয়নে) যদি তাই হও, তবে আর কেন আমাকে যন্ত্রণা দাও ? দাসী চরণে কি অপরাধ করেছে ?—

(লক্ষ্মীর প্রবেশ ।)

লক্ষী । বোমা ! বেলা গেল, এখন ও বসে, গাটা ধোবে না ?

বিনোদ । (দীর্ঘনিশ্বাস পরিত্যাগ পূর্বক) লক্ষী ।
দস, একটা কথা জিজ্ঞাসা করি ।

লক্ষী । কি বল,—অত দীর্ঘনিশ্বাস ফেলচ কেন ?—

বিনোদ । পাগলকে দেখে অবধি—ওঃ—আমার—

লক্ষী । বোমা চূপ কর, আর বলতে হবে না, আমি
তোমাকে এতদিন ভয়ে বলিনি ; আমারও ঠিক দাদাবাবু
দাদাবাবু বলে বোধ হচ্ছে, আমি কোলে পীঠে করে মানুষ
করেছি ;—আমি বেশ চিন্তে পারি ।

বিনোদ । (আহ্লাদে) তবে আর সন্দেহ নাই । এখন
কুই না, ঘরদার ঝাঁট দিগে যা, সন্ধ্যা হলেই সব আসতে
থাকবে । আমি এখন গা ধুয়ে আসি ।

লক্ষী । আচ্ছা ।

(এক দিক্ দিয়া বিনোদবালার প্রস্থান
অপর দিক্ দিয়া লক্ষীর প্রস্থান)

—
ইতি প্রথম ধাঁদা ।

দ্বিতীয় অঙ্ককার ।

দ্বিতীয় খাঁদা ।

(বিনোদবালার গৃহ ।)

লক্ষ্মী । (স্বগতঃ) এই ত পিঙ্গীম টিঙ্গীম সব দেওয়া হয়েছে । এক তাল মাটিও এনে রেখেছি ; তুলোর ডোলটা ঐ পাশের অঙ্ককার ঘরে রেখেছি, এখন চিটে শুভেঁক গাম্‌লাটার ঢাকা খুলে রেখে আসি ।

(অন্তরালে গমন কিঞ্চিৎ পরে পুনঃ প্রবেশ ।)

এই তো সব হলো, এখন একটু বসি ;—(উপবেশন)
বেটাদের কি আক্কেল, গেরস্তাদের বৌঝির ওপরও নজর ?—
তা আবার নষ্ট নয় ছুঁট নয়, নিশ্চল গঙ্গার জল, তাকে নষ্ট করবার চেষ্টা ? গোলায় যাবেন গোলায় যাবেন ;—

নেপথ্যে । (দ্বারে ঢোকা মারণ)

লক্ষ্মী । (সচকিতে উঠিয়া স্বগতঃ) ঐ হরের তাঁনি শুওটা এসেছে বৃষি, যাই হোর খুলে দিইগে, তার পাব ওর শ্রীক হবে এখন ।

(প্রস্থান ও হরিহর তাঁতিকে লইয়া পুনঃ প্রবেশ ।)

হরিহর । লক্ষ্মী ! বোঁঠাক্কুণ কোথায় ?

লক্ষ্মী । তিনি রান্নাঘরে খাবার দাবার তয়ের কচ্ছেন, ভূমি এইখানে বস ।

(মাহুর বিছাইয়া দেওন)

হরিহর । (উপবেশন পূর্বক) লক্ষ্মী !—আজ আমার
কি আনন্দ ?

লক্ষ্মী । কায়েই, এঁটোকুড়ের পাত স্বর্গে উট্‌চে ।

হরিহর । লক্ষ্মী ! বলতে কি—বোঁঠাকরণকে দেখে
অবধি আমি পাগলের মত হয়েছিলাম, নিত্য কাপড় বেচ
বার ছুঁতে করে আস্তেম, কাল যেমন বল্লেন আজ মাথা
মুড়িয়ে হবিশি করে থাকে, কাল উপোশ করে আমার কাছে
এসো ; তখনি অহ্লাদে আটখানা হয়ে বাড়ীতে গিয়ে
আগেই মাথা মুড়ুলেম, তার পর কাল বিকেল বেলা হবিশি
করে ছিলাম, আজ সমস্ত দিন উপবাস করে এই সন্ধ্যের
সময় এলাম । আজ সমস্ত দিন কাটা কৈ মাছের মত ছট্
ফট্‌ ছট্‌ ফট্‌ করেছি, দিন আর যায় না, উপোসের জন্ত
কষ্ট নয়, দেখবার জন্তে প্রাণ মেন বেরোয় বেরোয় বোঁপ
হলো । এখন এসে হাঁফ ছেড়ে বেঁচেছি । কিন্তু এখনও
প্রাণটার ভেতর নওলা দওলা কছে, যতক্ষণ না দেখতে
পাচ্ছি, ততক্ষণ স্থির হতে পাচ্চিনে ।

লক্ষ্মী । তা বৈকি ?—(স্বগতঃ) উঃ—গুণটার দগ
দেখ, ইচ্ছে করে খেংরে বিষ ঝেড়ে দিই ।

নেপথ্যে । (দ্বারে করাঘাত)

হরিহর । (সভয়ে) লক্ষ্মী ! আবার দোরের টোকা
মাংরে কে ?

লক্ষ্মী । বলতে পারিনে ; দেখে আসি ।

(প্রস্থান কিঞ্চিৎ পরে পুনঃ প্রবেশ)

লুকোও লুকোও, রামকুমার বাবু আস্চে ।

হরিহর । (সভয়ে) অ্যা ! রামকুমার বাবু ? তবে
লুকুই কোথায় ?

লক্ষী । এই চোরা কুঠুরীর ভেতর লুকোও ।

হরিহর । আচ্ছা তাই লুকুই (স্ফুটঃ) নোটোর
চরিত্র কিছুই বঝতে পাচ্চিনে ।

(চোরা কুঠুরীর ভিতর প্রবেশ ।)

(লক্ষীর প্রস্থান কিঞ্চিৎ পরে রামকুমার বাবুকে

লইয়া পুনঃ প্রবেশ ।)

রামকুমার । কৈ কি ! নৌ কোথায় ?

লক্ষী । তিনি রান্নাবরে খাবার তৈরী কচ্চেন । আপনি
বসুন !—

রামকুমার । আচ্ছা বসি । (উপবেশন ।) কি !
আগে তোঁর কত খোয়ানোদ করেছি, তুই রাজী হইয়া
কেন বল দেখি ?

লক্ষী । আমি কি করব বাবু ! যার রাজী হইয়া কখন,
তিনি না রাজী হলে আমার রাজীতে কি হবে ?

রামকুমার । ঠিক কথা । যা হোক আজ নৌ আনার
ওপর সদয় হয়েছেন । (ক্ষণেক পরে) কৈ ? এত দেরি
হলে এখনো আস্চেন না যে ?

লক্ষী। অত উতলা হয়েনা বাবু! বে হলে কি আর
যর চলে না?

নেপথ্যে (দ্বারে টোকা মারণ)

রামকুমার। (চমকিতে) ও কি ঝি!—দ্বারের ঘা
মারে কে?

(অসুভাবে বিনোদবালার প্রবেশ।)

বিনোদ। ঝি! ঝি! দেওয়ানজী মশায় এসেছেন।

রামকুমার। (সভরে) অ্যা! দেওয়ানজী এসেছেন!
আমি লুকুই কোথায়—বৌ! তবে আমার আস্তে বলে-
ছিলে কেন!

বিনোদ। উনি আসবেন আমি জান্তেম না, আপনি
একটু লুকিয়ে থাকুন, উনি এখনি চলে যাবেন।

রামকুমার। কোথায় লুকুই!—

বিনোদ। এক কক্ষ করুন, আপনি এই কোণে বসুন,
আমি একখানা ময়লা কাপড় ঢাকা দিয়ে মাথায় একতাল
কাদা দিই। তার ওপর একটা পিদ্দীম জেলে দিই, মনে
কর্ষন, দেয়কোর ওপর পিদ্দীম আছে।

রামকুমার। আচ্ছা তাই দাও।

বিনোদবাল। আপনি তবে কোণে বসুন।

রামকুমার। (কোণে উপবেশন, বিনোদবাল। কড়ুক
প্রদীপাদি মস্তকে স্থাপন।)

বিনোদ । ঝি ! দেওয়ানজী মশারকে নিয়ে আর,
যদি ততক্ষণ রান্না করে যাই ।

লক্ষী । আচ্ছা ।

(বিনোদবালার প্রস্থান)

[লক্ষীর প্রস্থান ও দেওয়ানজীকে লইয়া

[পুনঃ প্রবেশ ।]

দেওয়ানজী । কৈ ঝি ! বাড়ীর গিন্নি কোথায় ?

লক্ষী । আপনি ঐ খাটে বসুন, তিনি খাবার দাবার
তয়ের করে নিয়ে আসছেন ।

[অবগুণ্ঠনাবৃত্তা বিনোদবালার প্রবেশ]

দেওয়ানজী । এই যে মেব না চাইতে জল ।

বিনোদবালা । ঝি ! বলনা, চাতকের সৌভাগ্য ।

দেওয়ানজী । (সহাস্যে) হাঃহা ! বটে, বটে, এই
যে বৌ কথা জানে । ভাই আগে যদি রাজী হতে, তাহলে
সোণায় মুড়ে ফেলতেন । সে আমারি অদৃষ্ট ক্রমে হয় নি,
যা হোক, আজতো তোমার জন্তে একমুট জড়োয়া গহনা
এনেছি, এই নেও পর, আমি দেখে নয়ন সার্থক করি ।

বিনোদবালা । আচ্ছা, এখন রেখে দিন, খাবারদাবার
নিয়ে আসি খেয়ে দেয়ে নিন, তারপর গহনা পরো এখন ।

(স্বগত) খাবার সবুচিত্ত প্রতিকল হোক দেব ।

[প্রস্থান ।

৪৩০
২৭৬৬
১৭/২০০৬

দেওয়ানজী । আঃ—একটু দাঁড়াও না, অত ব্যস্ত কেন ?
পেট হাতে করেতো আসিনি, ছটো রসিকতাই করা যাক ।

নেপথ্যে । আমি এখনি আসছি ।

নেপথ্যে । [দ্বারের আঘাত]

দেওয়ানজী । (সচকিতে) ঝি ! ও কিও ?

লক্ষ্মী । বলতে পারিনে বাবু ।

[দ্রুতপদে বিনোদবালার প্রবেশ ।]

বিনোদবালা । ঝি ! ঝি !—জমীদার মশায় এসেছেন ।

দেওয়ানজী । কি জমীদার মশায়—কৃষ্ণকান্ত বাবু ?

বিনোদবালা । হ্যাঁ ।

দেওয়ানজী । (সভয়ে) তবে আমি কোথায় লুকুই—

বিনোদবালা । কেন বসুন্ না, একসঙ্গে ইয়ার্কী দেবেন ।

দেওয়ানজী । (সভয়ে) অ্যা ! তোমার মনে এই
ছিল, এখন তামাসা রাখ, তোমার পায় পড়ি বল, কোথায়
লুকুই ?

লক্ষ্মী । ঐ পাশের ঘরে বড় একটা গাম্ভা আছে,
তার ভেতর বসে থাকুংগে, বাবু চলে গেলেই বেরোবেন
এখন ।

দেওয়ানজী । আচ্ছা, সেই ভাল ।

(প্রস্থান ।)

নেপথ্যে । ইঃ !—এষে চিটে গুড়ের গাম্ভা, গা-ময়
লেগে গেল, এর ভেতর থাকুবা কি করে ?

লক্ষ্মী । তবে এক কৰ্ম কর, ওর পাশেই একটা বড় ডোল আছে, তার ভেতর নুকোও ।

নেপথ্যে । আচ্ছা আচ্ছা ।—(ক্ষণেক পরে) • ইঃ—
এতে যে তুলো, চিটে গুড়ের সঙ্গে গা-ময় জড়িয়ে গেল ।

বিনোদবালা । (সহর্ষে) তবে হয়েছে ভাল, বেরিয়ে আস্তে বল ।

নেপথ্যে । আচ্ছা যাই ।

(দেওয়ানজীর প্রবেশ ।)

বিনোদবালা । লক্ষ্মী ! এক কৰ্ম কর, গলায় একগাছা দড়ি দিয়ে খাটের খুরোর সঙ্গে বেঁধে রাখ, মনে কর্কর্কন একটা ভেড়া বাঁধা আছে ।

লক্ষ্মী । (দড়ি লইয়া) এহুসা তোমার গলায় দিই, তুমি হাঁটু গেড়ে বসে থাক ।

দেওয়ানজী । আচ্ছা দাও, আমি এই বস্টি । (স্বগতঃ)
ওঃ—কেন মন্ত এখানে এসেছিলেম, এতও অদৃষ্টে ছিল, শেষে ভেড়া হতে হলো !

(হাঁটুগাড়িয়া উপবেশন ।)

লক্ষ্মী । (গলায় দড়ি দিয়া খাটের সহিত বন্ধন ।)

বিনোদবালা । ঝি !—এই বার জমীদার মশায়কে নিয়ে
আয় ।

লক্ষ্মী । যাই । (লক্ষ্মীর প্রশ্নান, কিঞ্চিৎ পরে কৃষ্ণ-
কান্ত বাবুকে লইয়া পুনঃ প্রবেশ ।)

কৃষ্ণকান্ত । আজ আমার কপাল সুপ্রসন্ন বলতে হবে ।
বিনোদ । বিবলনা, ওঁর কেন আমারি কপাল সুপ্রসন্ন,—
কারণ জমীদার মীথায়ের আমার ওপর নজর পড়েছে ।

কৃষ্ণকান্ত । না না আমারি কপাল সুপ্রসন্ন, রত্ন কাকেও
অন্বেষণ করে না, রত্নকেই সকলে অন্বেষণ করে । ওখান
দাড়িয়ে কেন,—কাছে এসে বসো না ।

বিনোদবালা । আজে না, আপনার জন্তে খাবার আনি ।

(প্রস্থান খাবার লইয়া পুনঃ প্রবেশ ।)

স্বি । জায়গা করে দাও ।

লক্ষ্মী । (আসন প্রদান)

বিনোদবালা । (ভোজন দ্রব্য রাখিয়া) আহাব কর্তে
বসুন ।

কৃষ্ণকান্ত । (আহ্লাদে) আচ্ছা বসি । (ভোজন ও মুখ
প্রক্ষালন করিয়া খট্টায় উপবেশন)

বিনোদবালা । (তাম্বুল দান)

কৃষ্ণকান্ত । কাছে এসে বসনা ।

বিনোদ । (মৃদুস্বরে) আপনি যদি না রাগ করেন
এক কথা বলি ।

কৃষ্ণকান্ত । সচ্ছন্দে বল, তোমার কথায় রাগ করব ।

বিনোদবালা । দেখুন, আমি অংশা বন্ধিতে একটা
প্রতিজ্ঞা করেছি যে, যে আমার খোড়ায় চড়াতে পারবে,
তাকে সহিত প্রণয় করব ।

কৃষ্ণকান্ত । (সহাস্তে) তার জন্ত চিন্তা কি, আমি
এখনি ঘোড়া আনাচ্ছি । (উঠিতে উদ্যত ।)

বিনোদবালা । বসুন, বসুন, সে ঘোড়াই আশ্চর্যক নাই,
আমি বার সঙ্গে প্রণয় করি, তার মুখে লাগাম, পীঠে জীন
দিয়ে ঘোড়া সাজিয়ে তার পীঠে একবার চড়লেই আমার
প্রতিজ্ঞা রক্ষা হয় ।

কৃষ্ণকান্ত । (সহাস্তে) কি ছেলেমানুষ ! ভাল ভাল,
তোমার পিরিতের ঘোড়া হওয়াও ভাল ! কৈ জীন লাগাম
নিয়ে এস, তোমার প্রতিজ্ঞা রক্ষা কর ।

বিনোদবালা । ঝি ! নিয়ে আর তো ।

লক্ষ্মী । যাই ।

(লক্ষ্মীর প্রস্থান কিঞ্চিৎ পরে জীন লাগাম
চাবুক লইয়া প্রবেশ ।)

বিনোদবালা । বাবুকে পরিয়ে দে ।

লক্ষ্মী । আপনি নিচে নেবে হাঁটু গেড়ে বসুন ।

কৃষ্ণকান্ত । আচ্ছা । (তথাকরণ ঝি কর্তৃক জীন ও
লাগাম পরাওন ।)

শিবে । (সহসা খাটের নিচে হইতে বাহির হইয়া কৃষ্ণ-
কান্তের পীঠে চড়িয়া ঝির হস্ত হইতে চাবুক গ্রহণ পূর্বক)—
হেট হেট কদমে চল শালা ! (চাবুক প্রহার)

কৃষ্ণকান্ত । (সকাঁতরে) বাবারে গেলুম রে, — (উঠিতে উদাত্ত)

লক্ষ্মী ও বিকোদ । (সচকিতে দৃষ্টি)

শিবে । শালার ঘোড়া ! বেদড়া ?—চল ! (প্রহার)

কৃষ্ণকান্ত । (সকাঁতরে) শিবু ছাড় ! তোর পায়ে পড়ি ।

শিবে । শিবু কোন্ শালা ? আমার নাম নগেন্দ্রনাথ চট্টোপাধ্যায়, কেমন শালা ; আমার জীর সতীহ নষ্ট কর্বিনে ? চল শালা চল !—

কৃষ্ণকান্ত । (সভয়ে) কেও নগেন বাবু ? আমার ঘাট হয়েছে, আমি আর এমন কস্ম করব না । এই আমি নাকে খত দিচ্ছি । তোমার স্ত্রী আমার মা, তুমি আমার ধরম বাপ !!

নগেন্দ্র । দে শালা নাকুখত দে ।

কৃষ্ণকান্ত । এই দিই বাবু!— (নাকুখত দেওন)

নগেন বাবু ! এখন আমার ছেড়ে দাও, আমার প্রাণ যার ।

নগেন্দ্র । আর পাক ছই ঘোর তবে ছাড়বো গোলক-ধাঁদা দেখ ।

কৃষ্ণকান্ত । (সজলনয়নে) নগেন্ বাবু ! যথেষ্ট হয়েছে, আমাকে খুব গোলকধাঁদা দেখিয়েছ, আর পারিনে । আচ্ছা মরে মরে ও এই ছ পাক বুর্চি ।—

(ঘুরিতে ঘুরিতে)—

না বুঝতে পেরে ধোঁকার পড়ে

শেষকালে সার হলো কাঁদা ।

এক এক পাকে আঠারো বাঁকে
দেখিয়ে দিলে গোলকধাঁদা ॥

নগেন্দ্র । (সক্রোধে) —

তুইও বেটা যেমন গাধা ।

(এই) একেই বলে গোলকধাঁদা ॥

(গলা ধাক্কা দেওন ।)

(উঠিতে পড়িতে কৃষ্ণকান্তের প্রস্থান ।)

নগেন্দ্র । (দেওয়ানজীকে দৃষ্টে) এটা কি? —

লক্ষ্মী । ও একটা ভেড়া ।

নগেন্দ্র । আজ ভেড়াটাকেও চাব্কে টিট কর্ব । (প্রহার)

দেওয়ানজী । (চীৎকারপূর্বক) নগেন বাবু! রক্ষাকর,
আমাকে প্রাণে মেরোনা, এই আমি নাক খত দিচ্ছি, আর
আমি এমনি কর্ম কর্কোনা ।

নগেন্দ্র । আরে কেও দেওয়ানজি! — দাও নাকে খত
দাও । এই যে দিকি ভেড়াটা হয়েছ ।

দেওয়ানজী । এই নাকে খত দিচ্ছি । (নাকে খত
দেওন)

নগেন্দ্র । (বাঁধন খুলিয়া)

ভেড়া হয়ে ছিলে বাঁধা ।

এখন দেখ গোলকধাঁদা ॥

(সজোর পদাঘাত ।)

(উঠিতে পড়িতে দেওয়ানজীর প্রস্থান ।)

নগেন্দ্র । লক্ষ্মী! — কোণে কিমের ওপর প্রদীপ রেখেছিন্ ।

লক্ষী । (সহাস্ত্রে) ও একটা দেয়কো-বুঝি ।
নগেন্ । দেয়কোর কি হাত পা আছে ? (সজোরে চাবুক
প্রহার ।)

রামকুমার (গড়াইয়া পড়িয়া) নগেন্ বাবু ! তোমার
পায়ে পড়ি আঘাত খুন করোনা । (পদ ধারণ)

নগেন । (রীতিমত প্রহার করিয়া) যা পাপীষ্ট ! কলু-
ষিত জীবন নিয়ে পালা ।—

রামকুমার । (সরোদনে) বাবার মরে গিয়েছি ?—
(পলায়ন)

নগেন । হরে ! আর চোরা কুঠুরীর ভেতর কেন,
দেয়ো শালা !

হরিহর । (সকম্পিত স্বরে) বাবু ! আঘাত খুন
করেনা বল !

নগেন্দ্র । না বেরো ।

(হরিহর নির্গত ।)

নগেন্দ্র । (রীতিমত করিয়া চাবুক প্রহার ।)

হরিহর । বাবারে গেলুম রে !—

(চীৎকার করিতে করিতে প্রস্থান ।)

বিনোদবালা । (নগেনের চরণধারণ পূর্বক)—নাথ !
—আমার ওপর এত ছলনা কল্লো কেন ? আমি কি অপ-
রাধ করেছিলেম ।

নগেন্দ্র । (বিনোদকে বক্ষে ধারণ পূর্বক ।)

১

আয় লো আমার কমল কুমুম !
 আয় লো আমার বিনোদ বাণী । ●
 আর লো আমার সতীর আদর্শ :
 বৃকে রাখি তাকে নিবারি জালা ।

২

কেঁদনা আমার ওলো আঁদরিণী
 জীবন থাকিতে দিবন। জালা ।
 আয় লো আমার কমল কুমুম
 আয় লো আমার বিনোদবাণী ॥

(গাঢ় বক্ষে ধারণ ।)

বিনোদ । (সহজ নরনে ।)

১

কি দোষ করেছি তোমার চরণে,
 কি হেতু নগেন দিলে এ জালা ?
 তোমা বিনা আমি জানিনা স্বপনে,
 চিরকাল তব বিনোদবাণী ॥

২

ভালবাসি বলে কাঁদালে আমার,
 তাই দিবেছিলে পিরিতে বাধা ।
 সমীহ পরীক্ষা করিতে নগেন্
 ভাল দেখাইলে গোলকধাঁদা ॥

যবনিকা পতন । ঐক্যতান বাদন । ইতি দ্বিতীয় অঙ্ককথা ।

তৃতীয় অঙ্ককার ।

শেষ ধাঁদা ।

কৃষ্ণকান্ত বাবুর নৈঠকখানা ।

(কৃষ্ণকান্তবাবু দেওয়ানজী মোসাহেব আসীন ।)

কৃষ্ণকান্ত । দেওয়ানজী !—আজ বড় জর বোধ
হয়েছে । -

দেওয়ানজী । আজ্ঞে তা হতেই পারে ।

(হরিহর তাঁতির প্রবেশ)

হরিহর । চাই শাড়ী কাপোড় !—

সকলে । (হরিহরকে দৃষ্টে হাস্য)—

কৃষ্ণকান্ত । (সহাস্য)—আরে কেও হরিহর ! মাথা
মুড়ুলে কোন তীর্থে ?

হরিহর । আজ্ঞে—হজুর ঘোড়া দেওয়ান ভেড়া,

মোসাহেবের মাথায় বাতি ।

সেই তীর্থে মাথা মুড়িয়েছে

এ অভাগা হরে তাঁতি !!

কৃষ্ণকান্ত । তাইতো হে ! সকলকেই জব্ব করেছে ।

সকলে । আজ্ঞা হ্যাঁ !—

কৃষ্ণকান্ত । শিবু পাগল যা বলে ছিল তা ঠিক হলো,—

না বুঝতে পেরে ধোঁকায় পড়ে,

শেষ কালে সার হলো কাঁদা ।

এক এক গাকে আঠারো বাঁকে

দেখিয়ে দিলে গোলকধাঁদা ।

যবনিকা পতন ।

ইতি তৃতীয় অঙ্ককার প্রথম নিরূপিত স্থল ।

সমাপ্ত ।

বিজ্ঞাপন ।

এতদ্বারা সর্বসাধারণকে জ্ঞাত করা যাইতেছে যে, আ
এই “গোলকধাঁদা প্রহসন” খড়দহ নিবাসী শ্রীযুক্ত ব
কাশীকৃষ্ণ চক্রবর্তী মহাশয়ের নিকট হইতে কাপিরাইট ধা
করিয়া লইলাম। ইহাতে তাঁহার নাম ব্যতীত অপর কে
সম্পর্ক রহিল না। আমার বিনামূল্যে অত্র কেহ
পুস্তক ছাপিলে আইনানুসারে ক্ষতিপূরণের দায়ী হই
হইবে।

বাগবাজার বীডিং লাইব্রেরী
ডাক সংখ্যা.....
পরিগ্রহণ সংখ্যা.....
পরিগ্রহণের তারিখ

প্রকাশক

শ্রী গণেশচন্দ্র বোস

